


Jān Būreejtōn
Thomas S. Monson



Jutak āinwōt juon Meram

Ekar lōn aō iien ko remṃan nān pād ilo elōn kō-
jeramṃan ko ilo ṃanit kar kōmṃan ilo aje ko an
tampeļ ko. Aolepāer im emṃan ippa, ekoba eo
āliktata ikar pād ie ilo Phoenix, Arizona, USA, Nobōmṃba
eo ļok.

Jodikdik ro me rej uwaan Kabuñ in rekar bōk koṃaer
kōmṃane juon būrookraamṃ eo emṃan, im ekabwilōnlōn
ilo bwebwenato. Iiō eo ļok ilo Phoenix, ṃoktaļok wōt jān
iien kōjeramṃan eo, ikar jironļok ro rekar bōk koṃaer,
“Komij ajri ro nejin Meram eo.”

Ikōṃaan bwe aolep jodikdik ilo Kabuñ in ren jeļā bwe
er rej ajri ro nejin meram eo. Ilo jekjek in wōt, ewōr ippāer
juon eddo nān erom “āinwōt meram ko an laļ” (Pilippai
2:15). Ewōr ippāer juon eddo nān kwaļok ṃool ko an
gospel eo. Ewōr ippāer juon kūr nān jutak āinwōt juon ro-
maak in tampeļ eo, eo ej kwaļok meram in gospel eo nān
juon laļ ej marokļok. Ewōr ippāer juon eddo nān kōmṃan
bwe meram in kijeek eo aer en til im uruļok.

Bwe jen maroñ erom juon “joñak nān ro rej tōmak”
(1 Timote 4:12), kōj make jej aikuj in tōmak. Jej aikuj in
ejaake tōmak eo emenin aikuj nān mour ilo jetōb im nān
kwaļok meram eo nān ro jet. Jej aikuj in naajdik naan in ka-
ṃool eo ad ṃae iien ej erom juon emjak nān mour ko ad.

Ilubwilijin wāween ko rewājepdik nān bōk im nān
dāpij tōmak eo jej aikuji rainin im nān riit im katak jeje
ko rekwojarjar im nān jar emakijkij im iien otemjej. Nān
jodikdik ro an Kabuñ in, ij ba, eļāñne koṃwij jañin kar

kōmṃane, ejaake juon ṃwil in ekkatak jeje ko rekwojarjar
im jar aolep iien. Eļāñne eban kamminene kein ruo rao-
rōk, kareel ko an laļ in im jet iien rej wāween ko reppen
im rej waļok ilo mour remaroñ kōmarokļok ak aet kune
meram eo aṃ.

Iiō ko an jodikdik ro rejjab pidodo. Rej iiō ko remṃ-
an nē Setan enaaj kapoik eok im aujiidi eok jān iaļ
eo im enaaj kar tōļok eok nān ṃweo imōṃ ilañ. Ak ilo
aṃ riit im jar im ilo aṃ jermal im pokake, kwonaaj jeļā
bwe meram eo ej romṃaak ilo marok (lale D&C 6:21), ad
Riwaanjoñok im ad kajoor—aaet Irooj Jisōs Kraist. E ej
Meram eo jej kotak lōñļok nān kōmeramļok kuktok in
maroklep eo (lale 3 Nipai 18:24).

Kōn juon naan in kaṃool kōn Rilōṃṃor eo im gospel
eo An emōj an jepļaaktok, ejjeļok juon joñok nān ami
romaak. Rej jepṃol koṃ kajjojo raan, ilo jabdewōt kain
jekjek koṃwij loe koṃ ie. Ilo ami ļoor waanjoñok eo an
Rilōṃṃor eo, ami waanjoñok enaaj erom iien eo emṃan
nān erom juon meram, āinwōt kar ṃokta, ilo mour ko
an ro ipeļakimi—mekarta remaroñ in erom membōr in
baamle eo ami make, rijikuul ej jikuul ippāmi, rijerbal ej
jermal ippāmi, ro kwoj kab jeļā kajjeer, ak rūwaimāijet ro.

Nē koṃwij erom juon meram nān laļ in, armej ro ipe-
ļaakimi renaaj eñjake juon jetōb einjuon eo enaaj kōmṃan
bwe ren kōṃaan in iiaio ippāmi im ļoor waanjoñok eo ami.

Ij akweļap nān ro jinen im jemān im ritōl ro an jodik-
dik ro nān jipañ er jutak dim kōn ṃool im jimwe. Jipañ

kōlaplōk aer loe kōjem in ekkatak ko, kōjem in mejeje, im kōjem in jermal in jipañ ilo aelōn in kiiñ an Anij. Ejaake ilo er kajoor ñan jumae kapo ko an laj in. Leļok ñan er an-kilan ñan etetal ilo wānōk im tōmak, bwe ren jar, im ñan reilōk ñan lañ āinwōt aer emjak eban jemlōk.

Ñan jodikdik ro ad, ij ba, Jemedwōj Ilañ ej iakwe kom. Kōmman bwe komwin eñjake iakwe eo an ritōl ro an Kabuñ in ñan kom. Kōmman bwe en wōr ippāmi juon ikdeleel ñan jermal ñan Jemedwōj Ilañ im Nejin. Im bwe komwin maroñ aolep iien etetal ilo mool im jutak āinwōt juon meram ilubwilijin ajri ro nejin Anij.

KATAKIN JĀN ENNAAN IN

Łōmṇak in kōnono ippān ro kwoj loļok im katakin ta mejejein ñan erom juon “[ajri] nejin meram eo.” Ta eddo ko remenin aikuj? Komaroñ kōnono kōn iien ko me meram ko aer rekar meram im ta eo ekar kōmman bwe ren meram. Łōmṇak in kajjitōk ippāer bwe ren ļōmṇake juon armej, āinwōt juon jodikdik, juon rijermal kwoj jermal ippān, ak juon membōr in baamle eo aer, eo me emaroñ in aikuj meram in. Innām kom maroñ jar ippān doon kōn juon wāween ñan kwaļok meram in ippān armej eo.

© 2015 jān Intellectual Reserve, Inc. Aolep jimwe ko rej pād ippān. Jeje ilo USA. Kōmālim ilo kajin English: 6/15. Kōmālim an ukook: 6/15. Ukook eo an *First Presidency Message, August 2015. Marshallese. 12588 874*

JODIKDIK RO

Romaak in Meram

Būreejtōn Monson ej katakin bwe jodikdik ro ilo Kabuñ in “Ewōr ippāer juon kūr ñan jutak āinwōt juon romaak an tampeļ eo, ej kwaļok meram in gospel eo ñan juon laj ej marokļok. Ej letok jejjo wāween ko bwe komwin kōmmani:

kwaļok gospel eo

Tōmak

Ejaak tōmak

Erom juon meran ñan ro jet

Naajdik naan in kamool eo am mae iien ej erom

juon emjak ñan mour eo am

Riit im katak jeje ko rekwojarjar

Kwon emakikij jar im en aolep iien

Jermal

Pokake

Łōmṇak in joñe eok make jān 1 ñan 5 ilo kajjojo eria kein. Ñan eria ko rejjab emman, komaroñ in katak unin kōnono ko ilo jeje ko rekwojarjar ak pukōti ilo LDS.org. Ālkin am ekkatak unin kōnono ko, komaroñ ļōmṇaki jet wāween ko komaroñ in kōkajoorļok eria ko im kōmmani kōttōbar ko ñan kōttōbraki.

AJRI RO

Kwaļok Am Meram

Āinwōt juon ajri nejin Anij, kwoj juon ajri nejin meram eo. Komaroñ bōk eļapļok meram jān ļoor Rilomōor eo ad, Jisōs Kraist. Jisōs Kraist im Jemedwōj Ilañ rej iakwe eok im Rekōṇaan bwe kwon romaak ñan ro jet im tōl tok er ñan Kraist. Komaroñ in romaak jān am erom kwe ñe kwoj ļoor kien ko, āinwōt jar im riiti jeje ko rekwojarjar. Jiñaiiki jet iju ko ilo juon peba im kōkkaļleiki kōn mejeje ko kōn wāween am maroñ romaak ñan ro jet āinwōt juon waanjoñok an Jisōs Kraist (ñan waanjoñok, “etal ñan jar, ” ak “jipañ baamle eo aō”).



Kadkad in Mour ko Rekwojarjar an Jisōs Kraist: Ineemman im Ettā Bōro

Tōmak, Baamle, Deeor

Kanooj jar im ekkatak kōn katak in im pukōt nān jelā ta eo nān kwaḷok. Ekōjkan ami naaj meḷeḷe mour eo im mijen eo an Rilomqor eo ej kōḷapḷok tōmak eo ami ilo E im kōjeramman ro kwoj (bōk eddoier) mije er kōn naan in katak an kōrā? Nān meḷeḷe ko reḷḷapḷok, etal nān relief society.lds.org.

Eñin ej mōttan eo an Naan in Katak ko an Kōrā ro rej pijaik wāween kadkad in mour ko rekwojarjar an Rilomqor eo.

Jisōs ekar ba, “A eo e kōḷnaan en ḷaptata ippemi; en āinwōt eo e dik; im eo ej irooj en āinwōt eo ej ri karijer. Bwe ewi eo eḷap, eo ej jibadek im mōñā, ak eo ej jermal? E jab eo ej jibadek im mōñā ke? A Nā Ij pād ippemi āinwōt eo ej jermal” (Luk 22:26–27).

“Rilomqor eo ej ad waanjoñok eḷap kōn kajoor in ettā im wūjleḷok. Āliktata, Ekar wūjleḷok Anikilaan nān Jemān im kar bōktok maḷkūtūt eo ḷaptata, aet kajoor-tata, in aolep bwebwenato. Bōlen jet iaan naan ko rekwojarjartata ilo jeje ko rekwojarjar im repidodo, “A en jab ankil Aō, a Am wōt” (Luk 22:42).”¹

Āinwōt rikanaan ro an Jisōs Kraist, jej aolep iien pukōt nān erom āinwōt E. “Bwe inemman eaorōk nān kōj nān ḷapḷok ad erom āinwōt Kraist,” Elder Ulisses Soares jen Jiljilimjuonñoul eo ekar ba. Ne ejjeḷok inemman jejjab maroñ ejaak bar jet kain mour wānōk

ko raorōk. Jino ineemman ejjab meḷeḷein mōjñō, ak ej meḷeḷein mḷwil emman kōn jouj, meanwōd, kwaḷok kajoor, aenōmman, tokje, im kemmaanwa.”² Ilo ad jermal nān ejaake wāween mour in, jenaaj loe bwe “ettā im wūjleḷok ankilaad nān Jemād ej bōktok nān kōj mālim eo an Anij—kajoor in ettā bōro. Ej kajoor eo nān jelmae apañ ko an mour, kajoor in aenōmman, kajoor in kōjatdikdik, kajoor in juon bōro erub kōn iakwe eo kōn im naan in kaḷool eo an Rilomqor Jisōs Kraist, aet kajoor eo an pinmuur eo.”³

Bar Jet Eoon Ko

Matu 26:39; Joh 5:30; Mosaia 3:19; Hilamōn 3:35

Jān Jeje ko Rekwojarjar

Juon iaan iien ko remmanantata im kajoortata ilo iien jermal eo an Kraist ke Ekar kwaḷ neen rikaḷoor ro An. “E jutak jān kōjota, im utūk nuknuk ko An; im Ej bōk nuknuk in kōmōrā im kañūrñrūr kake. Innām Ej lutōk dān ilo jāpe, im jino An kwaḷe neen ro rū kaḷoran, im kōmōrāik kōn

nuknuk in kōmōrā eo Ear kañūr-ñūr kake” (Jon 13:4–5).

Ilo an Rilomqor eo kwaḷok kadkad in kaini in, rikaḷoor ro raar maroñ ḷokjenaer bwe Irooj eo aer im aer Maajta ekar bukwe-lōlō imaan mejāer im kwaḷok juon jermal ettā. Jisōs ekar kōmeḷeḷe katak ko Ekar kōḷnaan bwe er im kōj aolep ren ekkatak:

“Innām eḷañne Nā, ami Irooj im Ri kaki, Iar kwaḷe neimi, emman komwin kwaḷe neen doon.

“Bwe Iar lewōj nān kom juon joñak, bwe komwin barāinwōt kōmman āinwōt Iar kōmman nān kom” (Jon 13:14–15).

KAKEEMEMEJ KO

1. Richard C. Edgley, “The Empowerment of Humility,” *Liahona*, Nov. 2003, 99.
2. Ulisses Soares, “Erom Inemman im Ettā Bōro,” *Liahona*, Nov. 2013, 9.
3. Richard C. Edgley, “The Empowerment of Humility,” 99.

ḷōmñak kōn Menin

Ewi wāween an ettā bōro maroñ jipañ kōj iakwe āinwōt kar Rilomqor eo?